



PRONI mjesečni bilten

DECEMBAR 2009

POSJETITE

- “PRONI kroz vrijeme”
- “Tamna strana djetinjstva”
- PRONI član mreže volonterskog dnevnika
- Volonter godine u Republici Srpskoj

SADRŽAJ:

- Volonter godine 2 u Republici Srpskoj
- Premijera filma 2 “Tamna strana djetinjstva”
- PRONI član 2 mreže volonterskog dnevnika
- Strategija 3 zapošljavanja mladih
- PRONI 3 omladinski rad
- Usvojena Sara- 3 jevska deklaracija i Regionalna strategija
- O PRONI-u 4

“Volonterizam u Bijeljini”

PRONI Centar za omladinski razvoj u Bijeljini je povodom Međunarodnog dana volontera, 5. decembra, organizovao okrugli sto pod nazivom: “Volonretizam u Bijeljini” u okviru projekta “Svi smo rođeni sa jednakim pravima, poštujmo ih!!!”, koji je podržala Opština Bijeljina.

Okrugli sto je održan u maloj sali gradske biblioteke “Filip Višnjić” u Bijeljini 5.12.2009. godine.

Na okruglom stolu je:

- Prezentovana uloga volontera u PRONI-u u

Bijeljini

- Obilježeno pet godina rada PRONI-a



Fotografija sa okruglog stola

- Mladen Miljić, dobitnik ovogodišnje plakete za volontera godine u Republici

Srpskoj za 2009. godinu, je govorio o svom iskustvu volontera

- Promovisan volonterski dnevnik

Nakon toga je diskutovano o poboljšanju statusa volontera, motivisanju mladih ljudi da volontiraju, o tome kako zajednica vidi volontere, itd.

Na ovoj svečanosti su dodijeljeni certifikati volonterima i aktivistima za ljudska prava, te zahvalnica onima koji su pomogli rad PRONI-a u sklopu ovog

“PRONI kroz vrijeme”

Na samom kraju ove, već prošle, 2009. godine PRONI Centar za omladinski razvoj u Brčkom je organizovao izložbu fotografija pod nazivom “PRONI kroz vrijeme”, povodom jedanaest godina rada PRONI-a na području Brčko distrikta.

Panoi sa fotografijama od 1998.-2009. su bili postavljeni u Omladinskom centru 21. i 22. decembra 2009. godine i na njima je samo djelimično prikazan rad PRONI-a u ovom period.

Pošto na panoje nije mogla da stane ni desetina urađenih fotografija u Omladinskom centru su postavljeni i foto albumi i cijelo vrijeme su kružile fotografije na video bimu, te su posjetioci mogli vidjeti oko 10000 fotografija i prisjetiti se aktivnosti i vremena kada su učestvovali u radu ove organizacije.

Ovim povodom je organizovana konferencija za medije čime je i šira javnost upoznata sa ovim događajem.

Bilo je lijepo vidjeti sve

posjetioci i mlade ljude koji su kao djeca stupili u ovu organizaciju i rasli zajedno sa njom.



Volonter godine u Republici Srpskoj



Volonter PRONI Centra za omladinski razvoj iz Bijeljine, Mladen Mijić, dobio je priznanje za volontera 2009. godine u Republici Srpskoj. Plaketu i novčanu nagradu od 1000 KM volonteru godine uručio je Proko Dragosavljević ministar za porodicu, omladinu i sport u Banja Luci.

Nagrada je uručena povodom

Međunarodnog dana volontera 5. decembra, povodom čega je PRONI u Bijeljini organizovao okrugli sto na temu "Volonterizam u Bijeljini" na kome je Mladen iznio svoje iskustvo volontera godine i volontera u PRONI-u, te sa drugim mladim ljudima razmijenio iskustva i približio im volju i motivaciju za volonterski rad.

Mladen je još rekao, da mu ova nagrada puno znači, ali da ga i obavezuje i motiviše da nastavi sa aktivnostima na zaštiti i promociji ljudskih prava. Pored toga što je ovo velika nagrada za Mladena ona je velika nagrada i za PRONI, a i za Bijeljinu.

Šta drugo reći osim "Bravo Mladene".

Premijera filma "Tamna strana djetinjstva"

U ponedjeljak (14.12.2009. godine) u 19:30 h u Domu kulture u Brčkom premijerno je prikazan film "Tamna strana djetinjstva" volontera PRONI Brčko Damira Pervanovića, koji je osvojio drugu nagradu na Omladinskom Festivalu Filma - OFF u Bihaću.

Pored ovog filma premijerno su prikazani i filmovi "Kad porastem biću dijete", koji su snimili učenici JU Tehnička škola i kojim su osvojili prvo mjesto na OFF festivalu u Bihaću i film "Otac i sin" iz Gunje.

Na premijeri su prisustvovali članovi

grupe koja je snimala film, zaposleni PRONI-a, volonteri i brojni prijatelji, Vladini službenici, predstavnici Policije, učenici iz JU Tehnička škola, itd.

PRONI član mreže volonterskog dnevnika™

U Obrazovno-raznodnom centru za mlade SPAJALICA na Ilidži održan radni sastanak članica Mreže Volonterskog dnevnika, na kojem su revidirani izgled i sadržaj Volonterskog dnevnika i prezentirana procedura njegove distribucije. U Obrazovno-raznodnom centru za mlade SPAJALICA na Ilidži održan radni sastanak

članica Mreže Volonterskog dnevnika, na kojem su revidirani izgled i sadržaj Volonterskog dnevnika i prezentirana procedura njegove distribucije.

Sastanku su prisustvovali predstavnici/ce udruženja IPAK iz Tuzle, ToPeer iz Doboja, PRONI iz Brčkog, NarkoNE iz Sarajeva, CORNO iz Maglaja i KULT, Ured

Sarajevo i Ured Gradačac.

Učesnicima/ama je prezentiran i sistem Mreže Volonterskog dnevnika, te su im uručeni promotivni i radni materijali: plakati, pečat članstva, CD-ovi s aplikacijama, promotivni primjerci VD-a i leci o značaju volonterstva. PRONI Brčko će veoma brzo da započne sa promocijom Volonterskog dnevnika™.

Fotografija
sa sastanka



Strategija za zapošljavanje mladih

U Briselu je od 14.-17. decembra 2009. godine održano studijsko putovanje za nevladin sektor sa područja zapadnog Balkana kroz program People 2 People. Tema studijskog putovanja su bile **Strategije za zapošljavanje mladih**.

Cilj studijske posjete je bio da se učesnici sa zapadnog Balkana upoznaju sa politikama zapošljavanja u Evropi, te da upoznaju rad i institucije EU koje rade na ovom polju. Posebna pažnja je bila posvećena procesima integracije zemalja zapadnog Balkana, te koju ulogu civilno društvo igra u ovom polju, sa fokusom na politike i strategije zapošljavanja mladih.

Ovo je takođe bila prilika da učesnici razmijene svoja iskustva i kreiraju zajednički rad. Pored PRONI-a iz BiH bili su predstavnici Oia, LINK Mostar, te OKC Banja Luka.



Posjeta kancelariji Forum Syda na Kosovu

Menadžeri svih NVO iz regiona, kojima ja Forum Syd Balkan program krovna organizacija, su posjetili novootvorenu kancelariju Forum Syd-a na Kosovu. Ova kancelarija ima za cilj da radi sa mladima na području Kosova, a cilj posjete je bilo razmjena ideja i iskustava od strane drugih organizacija, programa koje su oni realizovali sa mladima i na koji način su postizali rezultate. Posjeta je ocijenjena kao vrlo uspješna i plodonosna za predstavnike kancelarije iz Kosova. Bojana Sekulić, je predstavljala PRONI tokom ove posjete.



PRONI omladinski rad

OKORUZ

Omladinski radnici PRONI Centra za omladinski razvoj, su uspješno i na vrijeme završili procjenu kvaliteta rada omladinskih klubova u MZ (OKORUZ), projekta je podržan od Vlade Brčko distrikta i sprovodi se u saradnji sa volonterima i predsjednicima MZ.

Međunarodni dan ljudskih prava

Međunarodni dan ljudskih prava obilježava se na dan kada je potpisana Univerzalna deklaracija o ljudskim pravima 1948. i kada

je po prvi put u istoriji čovječanstva priznato pravo svih ljudi na "život, slobodu i sigurnost... bez ikakvih razlika". Međunarodni dan ljudskih prava obilježava se 10. decembra.

Povodom ovog dana volonteri i volonterke PRONI-a su posjetili Centar za mentalno zdravlje, te za korisnike centra izveli kratku predstavu.

Na ovaj način volonteri i volonterke željeli su da ukažu na univerzalnost ljudskih prava.

Trening za Menadžere za upozoravanje na mine

Na Jahorini je, tokom decembra mjeseca, organizovan trening za Menadžere o upozoravanju na mine. Trening je trajao 5 dana na kome su učestvovali predstavnici PRONI-a, BH MAK-a i Handicap organizacije, na kome su učesnici obučeni da vode tim koji se bavi upozoravanjem na mine.

Bojana Sekulić, menadžer za PR i obrazovanje u PRONI-u, je ispred organizacije učestvovala na ovom treningu i dobila certifikat koji će koristiti PRONI-u, jer zaposleni planiraju registrovati organizaciju i iskoristiti ovu obuku za rad na ovom polju i oblasti u budućnosti.

**“PRONI
želi svima
srećnu i
uspješnu
2010.
godinu”**

Usvojena Sarajevska deklaracija i Regionalna strategija

Prva konferencija Alijanse civilizacija za jugoistočnu Evropu održana je 14. decembra 2009. godine u Sarajevu. Konferenciju je organizovalo Ministarstvo vanjskih poslova Bosne i Hercegovine u saradnji sa sekretarijatom Alijanse civilizacija UN-a, a bila je posvećena izradi regionalne strategije Alijanse civilizacija za unapređenje interkulturalnog dijaloga među zemljama jugoistočne Evrope.

Alijansa je okupila šefove diplomatija zemalja jugoistočne Evrope, zatim Turske, Španije i Švicarske, predstavnike brojnih nevladinih organizacija i druge zvanice. Nakon uvodnih obraćanja i prezentacije kraćeg filma o Alijansi civilizacija, usvojene su Regionalna strategija Alijanse za unapređenje interkulturalnog dijaloga i saradnje u jugoistočnoj Evropi i Sarajevska deklaracija, kojom se daje politička podrška

vlada zemalja regije ovom procesu. U popodnevnom dijelu Konferencije, održani su radni stolovi na kojima su članovi izaslanstava raspravljali o osnovnim ciljevima Alijanse civilizacija gdje je predstavnik PRONI Centra, Jasmin Jašarević, prezentovao PRONI-jeva iskustva u radu sa mladima.





PRONI Centar za omladinski razvoj Brčko distrikt BiH

Ul. Bosne Srebrene br.16

76100 Brčko

Tel: +387 49 233 940

Tel/Fax: +387 49 217 695

E-mail: pronibrco@teol.net

Web: www.pronibrcko.ba

PRONI Bijeljina

Ul. Ivana Gorana Kovačića br.5

tel/fax: +387 55 213 046

PRONI je nevladina, neprofitna i nestranačka organizacija koja radi na području Brčkog od 1998. godine i na području Bijeljine od 2004 godine.

Naša vizija: PRONI Centar za omladinski razvoj ima viziju da svi mladi ljudi imaju sposobnost da razviju sebe i jednaku mogućnost da doprinesu demokratskom i pravednom društvu u kome su njihove potrebe prepoznate i riješene.

Danas PRONI radi na edukaciji o ljudskim pravima, te radi na razvoju aktivizma mladih u zajednici, razvoju volonterizma, razvoju omladinske politike.

PRONI-jev rad se ogleda kroz treninge, seminare, radionice, okrugle stolove, razmjene volontera i mladih, festivale i druge aktivnosti koje podstiču multietničnost, saradnju i sigurnu životnu sredinu.



Nešto više o PRONI-u

Omladinski rad

PRONI je do danas implementirao oko 300 manjih omladinskih i volonterskih projekata koji su uključili više od 4000 mladih. Od 1999. godine PRONI organizuje različite projekte na otvorenom: festivali, koncerti, turniri, kampovi, itd. Od 2002. godine PRONI je otvorio 4 omladinska kluba u: Brčkom, Maoči, Potočarima i Bijeloj, što se kasnije proširilo na 27 omladinskih klubova u mjesnim zajednicama.

Volonterizam

PRONI realizuje volonterske programe koji daju mogućnost mladima da učestvuju na volonterskim treninzima i da implementiraju svoje projekte u Brčkom i Bijeljini. Do sada je PRONI obučio oko 150 volontera koji su implementirali oko 70 različitih projekata za mlade i djecu. PRONI takođe prihvata lokalne i međunarodne volontere koji imaju iskustvo u omladinskom radu i uključeni smo u EVS (međunarodni volonterski servis za razmjenu volontera).

Mreža omladinskih klubova

U saradnji sa Vladom i 26 MZ Brčko distrikta BiH PRONI podržava rad Omladinskih klubova kroz program "Mreža omladinskih klubova". Kroz ovaj program PRONI je obučio 52 volontera za rad sa mladima u omladinskim klubovima, tokom 2007 i 2008 godine. PRONI je vršio monitoring i procjenu rada ovih klubova, dok je Vlada Brčko distrikta finansijski podržala ovaj projekat.

Omladinska politika



Fotografija sa PRONI festivala

PRONI se već duže vrijeme bavi razvojem omladinske politike za Brčko district u saradnji sa drugim omladinskim organizacijama, te razvojem i promocijom omladinske politike u Bijeljini.

Baza trenera

PRONI je oformio "Bazu trenera" i pokrenuo kurs "Osnove omladinskog rada" sa ciljem da se odgovori na potrebe lokalne zajednice za neformalno obrazovanje. "Baza trenera obučava grupe mladih i odraslih u oblastima ljudskih prava, komunikacije, razrješenje konflikta i timski rad.

Skupština i upravni odbor

PRONI kontinuirano radi na obrazovanju članova svog Upravnog odbora i razvoju njihovih vještina rukovođenja, kako bi što više doprinijeli razvoju organizacije.

Upravni odbor broji 7 članova različitih profila, a PRONI Skupština ima 30 članova među kojima su i volonteri i mladi iz klubova.